山庫全幸

史部

欽定四庫全書 とこり ランニー 篇遭秦而全者以其調誦不獨在竹帛故也孔氏曰 自考正也孔子純取周詩上采殷下取魯凡三百五 漢藝文志古者采詩之官王者所以觀風俗知得失 文獻通考卷一百七十八 經籍考五 經詩 鄱 陽 馬 端 文歌通考 臨 貴 與 者

鄭康成譜圖推之有更十君而取其一篇者又有二 歐陽氏曰遷說然也令書傳所載逸詩何可數也以 言未可信也據今者及亡詩六篇凡三百一十一篇 多亡逸者少則夫子所録者不容十分去九馬遷之 史記孔子世家云古者詩本三千餘篇去其重取其 而史記漢書云三百五篇缺其亡者以見在為數 可施於禮義者三百五篇按書傳所引之詩見在者 餘君而取其一篇者由此言之何啻三千又日刑 卷一百七十八 尺のりられる 隋 為山句詩刪棣唐止 亦傳詩是為韓詩齊輳固燕韓生皆為之傳或取 秋采雜說咸非其本義與不得已魯最為近之 是為魯詩齊人較固生亦傳詩是為齊詩燕人 經籍志曰漢 意之也也其之棣全 之詩莊夫章詩之篇 害也能子也也華刪 故夫東惡衣夫偏去 句子 國其錦子 其也 初有魯人中公受詩於浮丘伯 成盡尚謂 反或 刑」ソス 其能不飾綱其 而篇 文獻通考 字之 自之 文以 豈刪 也-為過 之室 字 政恐者為 章章 繭 卒其也遠 思 勞流 此害 百而鄜於是其 姓不風兄遠句 此返君第 而句 大故子之 此删 雅章偕義 作 節刑老故雅字 南其之篇唐如 詰

金写口屋人 七魯詩亡於西晉韓詩雖存無傳之者唯毛詩鄭箋 賈逵馬融並作毛詩傳鄭玄作毛詩箋齊詩魏代已 至今獨立又有業詩宋奉朝請業遵所註立義多異 謂之毛詩序子夏所創毛公及敬仲又加潤色鄭泉 毛詩又為之訓東海衛敬仲受學於曼卿先儒相承 毛詩河間獻王好之未得立後漢有九江謝曼卿善 又有趙人毛養善詩自云子夏所傳作詁訓傳是為 也三家皆不得其真而魯最近之三家皆列於學宫師古注曰與不得已者言皆不得三家皆列於學官

少足四車全書! 世所不行 者惟小戴為衆所宗此無他六經始出諸儒講習 傳弟子分曹教授蓋小戴最為後出而今之言禮 左氏始立而後之盛行者獨左氏馬禮家之學五 石林葉氏曰詩有四家毛詩最後出而獨傳何也 趙賓之易張覇之書是也歷時既久諸儒議論既 未精且未有他書以證其是非故雜偽之說可入 曰豈惟毛詩始漢世之春秋公穀爲盛至後漢而 文獻通考

燕語音不同訓詁亦異故其學往往多非獨毛之 詩以諷誦相傳韓詩既出於人之諷詠而齊魯與 長者出而短者廢自然之理也六經自秦火後獨 證而學者遂得即之以考同異而長短精粗見矣 其釋為點也與金縢合釋北山烝民也與孟子合 釋昊天有成命與國語合釋碩人清人黃鳥皇矣 出也自以源流得於子夏而其書貫穿先秦古書 而又古人簡書時出於山崖屋壁之間可以為

時左氏未出孟子國語儀禮未甚行而學者亦未 能信也惟河間獻王博見異書深知其精迨至晉 詩亡於晉韓詩雖存無傳之者今韓氏章句已不 不謂之源流子夏可乎唐人有云齊詩亡於魏魯 且左氏等書漢初諸儒皆未見而毛說先與之合 宋諸書盛行肄業者衆而人始翕然知其說近正 與左傳合而序由庚等六章與儀禮合蓋當毛氏 存矣而齊詩猶有見者然唐人既謂之亡則書之 文跃通与

欽定匹庫全書 詩序 釋文舊說云關雖后妃之德也至用之邦國馬名關 雖序謂之小序此以下則大序也大序是子夏作小 韓之義尚可見者較之獨毛詩率與經傳合關雎 東來召氏曰魯齊韓毛詩讀異義亦不同以魯齊 正風之首三家者乃以為刺餘可知矣是則毛詩 真偽未可知也 之義最得其真也 卷一百七十八

ころしひら ここう 更加潤色 後漢儒林傳衛宏從謝曼卿受學作毛詩序善得風 序是子夏毛公合作上商意有未盡毛更足成之 隋志先儒相承謂毛詩序子夏所創毛公及衛敬仲 雅之古至今傳於世 使宏鑿空為之乎雖孔子亦不能使宏誦師說為 石林樂氏曰世人疑詩序非衛宏所為此殊不然 之則雖宏有餘矣且誦宏序有專取諸書之文而 文歌通考

金万口尼在書 數之其文全出於禮記成王未知周公之志公乃 於竟陳其師旅翱翔河上久而不召衆散而歸高 其君文公惡而欲遠之不能使高克将兵而禦狄 為詩以遺王其文全出於金騰高克好利而不顧 全出於周官情動於中而形於言言之不足故嗟 曰風二曰賦三曰比四曰與五曰雅六曰頌其文 宛轉附經而成其書者不可不論也詩有六義! 為之者有雜取諸書所說而重複互見者有委曲 ファンフ・シー 實尸矣又曰靈星之詩此蓋衆說並傳衛氏得善 書所言也載馳之詩許移夫人作也関其宗國類 辭美意併録而不忍棄之此吾所謂雜取諸書之 覆矣又曰衛懿公爲狄人所滅緣衣之詩既曰繹 之作實在數書既傳之後明矣此吾所謂專取諸 容有常以齊其民其文全出於公孫尼子則詩序 樂廢壞其文全出於國語古者長民衣服不貳從 克奔陳其文全出於左傳微子至於戴公其間禮 文狀通好

多好四库全書 說蓋魏後於漢宏之詩序至此始行也 引詩序者惟黄初四年有共公遠君子近小人之 乞言此又吾所謂委曲宛轉附經而成其義也即 三者而觀之序果非宏之所作乎漢世文章未有 及草木然後繼之以內睦九族外尊事黃對養老 仁如騶虞則王道成行葦之詩先言周家忠厚仁 既治天下純被文王之化而復繼之以蒐田以時 說而重複互見也關虞之詩先言人倫既正朝廷 卷一百七十八

ここう… ここ 易有序卦象象爻辭王輔嗣遷之逐卦之中至太 序孔安國以為孔子作自安國始遷之逐篇之首 有無序者皆繁之於篇末蓋以總其凡也令書有 史公自序揚子雲法言皆其遗法況詩皆記其先 傳之是亦當經孔子所取亦何傷乎大抵古書未 隋經籍志以為子夏作先儒相承云毛公及 衛宏 潤盆之今定為孔子作固不可若孔子授子夏而 又曰世以詩序為孔子作初無據口耳之傳也惟 と大直ち

多戶 四库全書 趙人與河間王同時三傳而為徐敖初無謝曼卿 宏從謝曼柳受學而作者范曄之言爾據史毛公 不能强筆而削之也而謂衛宏能之可乎所謂衛 者獨東漢賈達傳言父極學毛詩於謝曼即至顯 晉文公出入晉鄭不以告魯史所不得書則孔子 百載之下猶之春秋必約魯史而後可為鄭忽與 主意者孔子雖聖人人事之實亦安能臆斷於數 王之政與列國之事非見其序蓋有全篇莫知所 卷一百七十八

へこうえ ハルラ 近矣 風 之言為孔子者此理尤甚明吾謂古者凡有是詩 詩始見鄭康成與衛宏畧先後豈有不知而以宏 宗令撰齊魯韓詩與毛氏同異蓋漢自中與後毛 則有是序如今之題目者故太師陳之則可以觀 既取其辭因以其序命子夏之徒為之則於理為 興可以觀可以羣可以怨其藏在有司孔子刑詩 俗道人采之則可以知訓戒學者誦之則可以 文狀通考

一金少口左人言 真諸篇之首則是毛公之前其傳已久宏特增廣 然鄭氏又以為諸序本自合為一編毛公始分以 以為衛宏作毛詩序今傳於世則序乃宏作明矣 子夏或以為國史皆無明文可考惟後漢儒林傳 朱子曰詩序之作說者不同或以為孔子或以為 但今考其首句則已有不得詩人之本意而肆為 潤色之耳故近世諸儒多以序之首句為毛公 分而其下推說云云者為後人所益理或有之 老一百七十八

者遂若詩人先所命題而詩文反為因序以作於 絕而毛說狐行則其抵牾之迹無復可見故此序 作經字不為疑辭而遂為決辭其後三家之傳又 引以入經乃不級篇後而超冠篇端不為註而直 亦有以知其出於後人之手不盡信也及至毛公 經後又以尚有齊魯韓氏之說並傳於世故讀者 謂出於應度之私非經本文故且自為一編别附 妄說者矣况沿襲云云之誤哉然計其初猶必自 之 头角等

金安匹库全書 時世名氏則不可以强而推故凡小序唯詩文明白 傳中而復併為一編以還其舊因以論其得失云 容或真有傳授證驗而不可廢者故既頗采以附 儒也愚之病此久矣然猶以其所從來也遠其問 戾破碎不成文理而終不忍明以小序為出於漢 為之委曲遷就穿鑿而附合之寧使經之本文綠 是讀者轉相尊信無敢擬議至於有所不通則必 又論此相舟序曰詩之文意事類可以思而得其

欠この写人与 害其為不自欺雖有未當人亦當恕其所不及今 無疑者其次則詞旨大縣可知必為某事而不可 切見於書史如載馳碩人清人黃鳥之類次為可 直指其事如甘常定中南山株林之屬若證驗的 乃不然不知其時者必强以為其王某公之時不 以其意推尋探索依約而言則雖有所不知亦不 知其的為某時某人者尚多有之若為小序者姑 其人者必强以為其甲某乙之事於是傳會書 文獻通考

全罗日月 春秋之前而史記所書莊桓以上衛之諸君事皆 矣蓋其偶見此詩是於三衛變風之首是以求之 項公之時則其故為欺罔以誤後人之罪不可揜 不自欺則亦未至於大害理也今乃斷然以爲衞 栢 ンス 於夫而以為不遇於君此則失矣然有所不及而 舟不知其出於婦人而以為男子不知其不得 恥其有所不知而惟恐人之不見信而已且 依託名諡鑿空妄語以註後人其所以然者特 巻一百七十八

とれりまたした 君國政而作固已不切於情性之自然而又拘於 事其益又為甄心動懼之名如漢諸侯王必其當 取 以罪滴然後加以此諡以是意其必有棄賢用佞 無可考者諡亦無甚惡者獨項公有路王請命之 之失而遂以此詩予之若将以街其多知而必於 信不知将有明者從旁觀之則適所以暴其真 知而啟其深不信也凡小序之失以此推之什 八九矣又其爲說必使詩無一篇不為美刺時 文民通 +=

グラロを人言 敦厚之教故予不可以不辯又論桑中序曰此詩 云云者乃復得之樂記之說已界見本篇矣而或 使讀書疑於當時之人絕無善則稱君過則稱已 時世之先後其或書傳所載當此一時偶無賢君 乃淫奔者所自作序之首句以為刺奔誤矣其下 之意而一不得志則扼腕切齒嘻笑冷語以懟其 美諡則雖有辭之美者亦例以爲陳古而刺今是 上者所在而成羣是其輕躁險薄尤有害於温柔 卷一百七十八 哉其必不然也明矣又况此等之人安於為惡其 不加一 惜懲創之意自見於言外者此類是也豈必熊讓 為彼人之言以陷其身於所刺之中而不自知之 問猶有實主之分也豈有将欲刺人之惡乃反自 試玩之則其賦之之人猶在所賦之外而詞意之 質責然後為刺也哉此說不然夫詩之為刺固有 者以為刺詩之體固有鋪陳其事不加 一群而意自見者清人猗嗟之屬是也然當 一辭而関

たこううこう

文默通考

<u>+</u>

金少正是人三 也 所 惡也或者又曰詩三百篇皆雅樂也祭祀朝聘之 刺 畏吾之関惜而遂幡然遽有懲創之心邪以是為 鄭聲函欲放而絕之豈其刑詩乃録淫奔者之 於此等之詩計其平日固已自其口出而無慙矣 雅鄭不同部其來尚矣且夫子答顏淵之問 用也桑間濮上之音鄭衛之樂也世俗之所 何待吾之鋪陳而後始知其所爲之如此亦豈 不惟無益殆又不免於鼓之舞之而反以勸其 卷一百七十八

久己日至 八十 當時風俗事變之實而垂鑒戒於後世故不得已 春秋所記無非亂臣賊子之事蓋不如是無以見 是也鄭者緇衣以下二十一篇是也衛者那都衛 法而嚴立其詞於詩以為戒如聖人固不語亂而 之所歌也夫子之於鄭衞蓋深絕其聲於樂以為 南雅頌祭祀朝聘之所用也鄭衛桑濮里卷狭邪 三十九篇是也桑間衛之一篇桑中之詩是也二 而使之合奏於雅樂之中乎亦不然也雅者二雅 文歌通考

言以為多出於此耳非謂篇篇皆然而桑中之類 為邦之法又豈不為陽守而陰叛之邪其亦誤矣 欲為之諱其鄭衛桑濮之實而文之以雅樂之名 曰然則大序所謂止乎禮義夫子所謂思無邪者 以薦之何等之鬼神用之何等之賓客而於聖人 又欲從而奏之宗廟之中朝廷之上則未知其将 而存之所謂道並行而不相悖者也今不察此乃 又何謂邪曰大序指相舟緣衣泉水竹竿之屬而 卷一百七十八 文足口更全哲· 音也那 篇者夫子皆經歌之以求合於韶武之音何邪曰 首卿之言固為正經而發者史遷之說則恐亦未 情之正耳非以桑中之類亦以無邪之思作之也 足為據也豈有哇淫之曲而可以强合於韶武之 雜故特言此以明皆可懲惡勸善而使人得其性 亦止乎禮義也夫子之言正為人有邪正美惡之 曰首卿所謂詩者中聲之所止太史公亦謂三百 文獻通考 十四

直陳其事而已序者後人之作籍令其深得經意 則異於書矣然雅頌之作其辭易知其意易明故 亦不過能發明其所已言之事而已不作可也詩 而備論其得失而於詩國風諸篇之序誠斥尤多 多疑之至朱文公之解經則依古經文析而二之 詩書之序自史傳不能明其為何人所作而先儒 雅頌之序可廢而十五國風之序不可廢何也書 以愚觀之書序可廢而詩序不可廢就詩而論之 卷一百七十 累句而無一言叙作之之意者而序者乃一言以 序而序之有功於詩也蓋風之為體比與之辭多 **發疣而已至於讀國風諸篇而後知詩之不可無** 章則祀文王之語贅矣蓋作者之意已明則序者 於叙述風谕之意浮於指斥蓋有反覆詠歎聯章 之辭可畧而敷衍附會之間一語稍煩則祇見其 命作周之語發矣讀清廟者深味於穆清廟之一 讀文王者深味文王在上以下之七章則文王受

欠三日与 といか

文獻通考

十五

グルノした たって 辭而必欲曲從應度難信之序說乎其說固善矣 然愚以爲必若此則詩之難讀者多矣豈直鄭衛 地 安有刺人之惡而自為彼人之辭以陷於所刺之 文公深誠之且於桑中添洧之篇辨析尤至以為 好則孰能應料當時指意之所歸以示千載乎而 蔽之曰為某事也尚非其傳授之有源探索之無 而不自知者哉其意蓋謂詩之辭如彼而序之 如此則以詩求詩可也烏有捨明白可見之詩 卷一百七十 欠已日長一三十 諸篇哉夫荣皆之序以婦人樂有子爲后妃之美 耳楊之水椒即二詩序以為刺晉的公也而其詩 者為何事而慨數者為何說乎叔于田之二詩序 過慨數禾泰之苗穂而已此詩之不言所作之意 離之序以爲関周室宫廟之颠覆也而其詩語不 也而其詩語不過形容采掇栄首之情状而已泰 以為刺鄭莊公也而其詩語則鄭人愛叔段之辭 而賴序以明者也若捨序以求之則其所以采掇

文獻通考

イジログ 耳是豈可以訓而夫子不刑之乎搞羽防站之詩 状憂孝養之不遂悼歸休之無期其解語一耳此 薇之詩見於正雅序以為勞使臣遣 及而作也 見於變風序以為征役者不堪命而作也四牡采 語則晉人愛桓叔之辭耳此詩之序其事以諷初 不言刺之之意而賴序以明者也若捨序以求之 而深味四詩之首則熟行役之勞苦飲機渴之情 則知四詩也非子雲美新之賦則來宏九錫之文

勞苦之辭也出於飲情関勞者之口則為正雅而 則可錄也均一愛戴之辭也出於愛叔段桓叔者 詞也出於奔者之口則可刑而出於刺奔者之口 出於困役傷財者之口則為變風也均一淫決之 廢則桑中添洧何嫌其為剌奔乎蓋當論之均 雅矣即是數端而觀之則知序之不可廢序不可 則文王之臣民亦怨其上而四壮采薇不得為正 詩之辭同意異而賴序以明者也若捨序以求之

アコションナラ

文歌通考

金牙巴屋人里 矣其所取於關雖者謂其樂而不淫耳則夫詩之 自作而使正經爲錄淫辭之具乎且夫子當刑詩 辭别自為說而卒如序者之舊說求作詩之意於 可刑熟有大於淫者今以文公詩傳考之其指以 詩辭之外矣何獨於鄭衛諸篇而必以爲奔者所 辭以諷四壮采薇之辭同變風文公胡不玩索詩 也夫若首泰離之不言所謂叔于田揚之水之反 之口則可刪而出於剌鄭莊晉昭者之口則可錄 卷一百七十八

次定四東全事 事而文公亦以為淫者所自作也夫以淫昏不 之人發而為放湯無恥之解而其詩篇之繁多如 子於揚之水出其東門野有蔓草則序本别指他 大路有女同車山有扶蘇釋分校童寒裳年風雨 東門之楊月出則序以為刺淫而文公以為淫者 有四如桑中東門之墠漆洧東方之日東門之池 為男女海洪奔誘而自作詩以敘其事者凡二十 所自作也如静女木瓜采葛丘中有麻将仲子導 文獻通考

類以而君訓義王害為本公於此 回 文目赞自爱之消政於詩瓜之詩 公之之處國辭亡之温無以於不 干 之 其正於不太淫所柔一下詩得 猶 說罪孟淫能過風許敦篇諸不其 存= 謂 浮子誰自如大况厚不篇得説 之 春|於所|之已|狡行|變之|為是|其則|則 秋 訓謂地之童亦風教刺也說一不 所上無則意諸不變愚時文則舉 去口臣 記 | 矣羞 | 夫今 | 篇可 | 雅謂 | 君公 | 一而 | 所 無反惡身必之謂之古國又舉歸刪 涯 得之為欲剌非世者政以而之 何 新L為心淫使忽其實庶而為歸剌 筝 臣 温者 亂其 亦君無人作序 之其 賊 柔不而避不之可謗輕者淫君 敦可復調害過美商浮之誰愚 也」 子 之厚以自訓其縱者旅 應意如亦序文 事多人作之為使而議薄必静謂者公 蓋或詩名愛議禮亦有以女文之謂

秦少游晏叔源革作為樂府備狹形妖治之趣其 棄幽厲也至於文辭則其淫哇不經者直為削之 而已而夫子猶存之則必其意不出於此而序者 不得已而存之所謂並行而不相悖也愚以為未 之說是也夫後之詞人墨客跌湯於禮法之外 不能無亂則固不容存禹湯而廢禁紂錄文武 然夫春秋史也詩文詞也史所以紀事世之有治 不如是無以見當時事變之實而垂鑒於後世故

久中口自 三十

文計通务

ないしたという 先為之訓釋使後學誦其文推其義則通書西銘 詩中若是者二十有四篇夫子錄之於經又煩 道其詞家不當其書懼其為正心誠意之累也而 等之詩計其平日固已自其口出而無慙矣又 或又曰文公又當云此等之人安於爲惡其於此 必與小山詞選之屬無看並讀而後可以爲學也 詞采非不艷麗可喜也而醇儒莊士深斥之口不 待吾之鋪陳而後始知其如此亦豈畏吾之則惜 卷一百七十八 儒 何

ときうえ ニラ 懲創之至也夫子謂宰我曰汝安則為之夫豈真 言者市并小人至不才也今有與之語者能道其 宣淫之状指其行淫之地則未有不面頸發亦且 慙且請者未聞其楊言於人曰我能姦我善淫也 惡之心人皆有之而况淫決之行所謂不可對人 之自知其不可為此鋪張偷揚之中所以爲閱惜 且夫人之為惡也禁之使不得為不若愧之而使 而遂幡然還有懲創之心邪愚又以為不然夫羞 文獻題勢 ニナ

詩與文公之釋詩俱非得於作詩之人親傳面命 贵人坐車中自如固當夫豈真以不下車為是乎 反而不勝其愧悔矣此詩之訓也或曰序者之序 熊讓者蓋以非為是而使之求吾言外之意則自 而二人既聞是言也卒為之羞愧改行有甚於被 子何以定其是非乎曰愚非敢的同序說而安議 也序求詩意於辭之外文公求詩意於辭之中而 以居喪食稻衣錦為是乎萬石君謂子慶曰內史 卷一百七十八 欠已日至 二十 達意也而戒其害意何也噫聖賢之慮遠矣夫詩 為得之夫經非所以海邪也而戒其無邪解所以 男女夫婦之間多憂思感傷之意而君臣上下之 發乎情者也而情之所發其辭不能無過故其於 說曰誦詩三百一言以敬之曰思無邪孟子之説 後知序説之不繆而文公之説多可疑也孔子之 先儒也蓋當以孔子孟子之所以説詩者讀詩而 口說詩者不以文害辭不以辭害志以意逆志是 文獻通考 主

金万口屋 首然其所反覆詠歎者不過情懲無私之事耳漢 其半雖以二南之詩如關雎桃天諸篇為正風之 辭哀習其讀而不知其古易以動盪人之邪情決 悲遇合之喜雖有人心者所不能免而其志 辭害意之過也而況那都之末流乎故其怨曠之 儒當以闊雖為刺詩矣此皆昧於無邪之訓而以 有七篇而其爲婦人而作者男女相悦之辭幾及 際不能無怨懟激發之辭十五國風爲詩百五十 卷一 百七十 切其

是以有害意之戒馬則以其辭之不能不戾其 也使章章如清廟臣工則奚意之難明乎以是觀 鄰乎邪也使篇篇如文王大明則奚邪之可問乎 意者莫如孔孟慮學者讀詩而不得其意者亦莫 之則知刺奔果出於作詩者之本意而夫子所 然詩人之意則非以為是而勘之也蓋知詩人之 如孔孟是以有無邪之訓馬則以其辭之不能不 志而况以鋪張揄揚之辭而序淫洪流蕩之行乎 意

欽定四庫全書 篇 篇 文 |然解||之以|不之||奔説| 公當是水寒以正添則是水寒以五清解見過為寒寒者亦之詩無且関為為此熱 者 桑中是 是 其詩決非 也衙 者 也二南 者字諸臣見懼以亂之二及篇而正讓邪之邪 JEJ3 鄘 淫 及篇而正 讒邪之邪 決卷京 雅 雅 婦者|俱不|不視|類者| 衔 之 是 人雖指以以之是亦 頌 三十九篇 百道 七差 十 而疑為子遵如也必 祭 也 謂其淫於大不如以 所 鄭 祀 者 自 朝 之解奔爲路以大正 是也桑 |淫之||謹刺|風木|公視| 聘 紹 赋 衣那欠浪學雨瓜之之 之 也 所 者莊要校馬馬説如邪夫 ンス 下ニ 乎重約廢思美則桑如子 用 图 或贈不君齊雖中序曰 セ 衞 答以子桓詩之者思 鄭 义 2 之揚不公辭刺之無 衞 曰

從而奏之宗廟之中朝廷之上則未知其将以薦 為之諱其鄭衛桑濮之實而文以雅樂之名又欲 聲於樂以爲法而嚴立其詞於詩以爲戒今乃欲 爲未然夫左傳言季札來聘請觀周樂而所歌者 邶 桑濮里卷挟邪之所作也夫子於鄭衛蓋深絕其 之於何等之鬼神用之於何等之實客乎愚又以 那所用則周樂安得有之而魯之樂工亦安能 帮衛鄭皆在馬則諸詩固雅樂矣使其為里卷 ことこと

鼓灾匹库全書 妻能主祭之詩也而射禮歌之肆夏繁過渠宗廟 蓋有不可晓者夫關雎鵲巢閨門之事后妃夫人 合之音樂則儀禮左傳所載古人歌詩合樂之意 歌異國淫邪之詩乎然愚之所論不過求其文意 王與周之詩也而兩君相見歌之以是觀之其歌 配天之詩也而天子享元侯歌之文王大明綿文 之詩也而鄉飲酒燕禮歌之采賴采繁夫人大夫 之指歸而知其得於情性之正耳至於被之經歌 卷一百七十八

不可强通也則烏知鄭衛諸詩不可用之於燕享 伯享趙孟子太叔賦野有蔓草鄭六柳餞韓宣子 楚令尹子園賦大明及穆叔不拜肆夏甯武子不 其太不倫者亦以來譏請如鄭伯有賦熟之奔奔 之際乎左傳載列國聘享賦詩固多斷章取義然 詩之用與詩人作詩之本意蓋有判然不相合者 拜形弓之類是也然鄭伯如晉子展賦将仲子鄭 子蓋賦野有蔓草子太权賦零裳子将賦風雨子 之狀角對 孟

金安匹库全書 如文公之說也或曰序者之解固有鄙淺附會居 燕享而此六詩之旨意訓詁當如序者之說不當 武韓起不聞被譏乃知鄭衛之詩未當不施之於 以為淫奔之人所作也然所賦皆見善於叔向趙 旗賦有女同車子柳賦釋分此六詩皆文公所斥 然可見者先儒疵議之非一人矣而子信之何邪 明者丹至詩之所已言則序語雖工不讀可也况 曰愚之所謂不可廢者謂詩之所不言而賴序以 卷一百七十八

為子夏或以為國史皆無明文可考然鄭氏謂毛 皇帝二載秋閏八月初吉如所謂吾聞京城南兹 語之贅疣片辭之淺陋而欲一切廢之鑿空探索 體認以求詩人之意而得其庶幾固不宜因其 作詩之時蓋未甚遠也千載而下學者所當遵守 其鄙淺附會者乎蓋作序之人或以為孔子或以 而為之訓釋也姑以近代詞人之作譬之如所謂 公始以寅諸詩之首則自漢以前經師傳授其去

欠己日戶二十

文獻通考

主五

金万巨人人 老柳不吹綿此身行作稽山土猶予遺踪一帳 能知其所以作之意也劉後村詩話釋之曰放翁 實中其題曰無題而已是三詩者不言所謂人莫 鳳凰未必勝狙公雖逃暮四朝三外猶在桐花竹 其題曰沈園而已誠齊之詩曰飽喜饑嗔笑殺儂 春波綠曾逐孤鴻照影來夢斷香銷四十年沈 惟羣山囿則辭意明白無俟序說者也放翁之詩 曰城上危樓畫角哀沈園非復舊池臺傷心池下 卷一百七十八 園

て こう・・・ シーラ 諸二公而不緣也倘後乎此千百載說者必欲外 長老之所誦說口耳之所習聞筆之簡冊可以質 詩之序也後村之於楊陸二公相去不百年得於 感而賦之該齊既里居累章乞休致不得命再予 於物外也然後三詩之意始明夫後村之說即 祠有感而賦以為雖脱吏責尚麼附原不若相忘 别適其官一日通家於沈園目成而已晚年将園 切婚其氏頗倦於學嚴君督過之竟至此離其氏 之狀通考 美

金罗巴尼子言 **關雎韓詩以為哀周之刺詩賓之初庭韓詩以為** 指摘似亦未能盡出於公平而足以當人心也夫 鍋之類是也其可疑者則未嘗盡斷以應說而固 有引他書以證其謬者矣曰是則然矣然愚之所 後村之意而別為之説則雖其體認之精辯析之 於經傳信而有證者則從之如碩人載馳清人寫 巧亦終於臆説而已或曰文公之於詩序於其見 不能不疑者則以其惡序之意太過而所引援 卷一百七十

悄悄愠於羣小之語而繼之曰小人成羣亦足愠 於劉向向上封事論恭顯傾陷正人引是詩憂心 乎那栢舟毛序以為仁人不遇而作文公以為婦 也初庭之詩夫子未有論說也則該毛而從韓夫 說關雎則遠夫子不淫不傷之訓是决不可從者 衛武公飲酒悔過之詩皆與毛序反者也而韓詩 韓詩也初遊之序可信而關雖之序獨不可信 之作而引列女傳為證非應說矣然列女傳出

尺 こり う とこう

文默通考

主

金万四屋人 篇孔子去其重複取其可施於禮義者三百五篇 或曰夫子何以刑詩昔太史公曰古詩本三十餘 後究極夫古今詩人所以諷詠之意則詩序之不 本之以孔孟説詩之古恭之以詩中諸序之例而 可廢也審矣愚豈好爲異論哉 序之意太過而引援指摘似為未當此類是也夫 信而封事之説獨不可信乎此愚所以疑文公惡 也則正毛序之意矣夫一劉向也列女傅之說可 巻一百七十八

.). la. .. J.l. 乎蓋文公每捨序以言詩則變風諸篇祇見其理 存其實以為鑒戒耳之三說者何所折衷愚曰若 文公曰三百五篇其間亦未必皆可施於禮義但 孔子所錄不容十分去九馬遷所言未可信也朱 孔氏曰案書傅所引之詩見在者多亡逸者少則 詩考之則其辭明而理正蓋未見其劣於三百五 如文公之說則詩元未當刑矣今何以有諸逸詩 短而詞哇愚於前篇已論之矣但以經傳所引逸 之次到与

欽定匹庫全書 鼠狡童如欲刺人之惡而自為彼人之解以陷於 篇也而何以刑之三百五篇之中如該其君以 所 道之不古存夏五郭公之書而不欲處正前史之 也又回多聞闕疑異時當舉史闕文之語而數世 言曰述而不作又曰蓋有不知而作之者我無是 聖人之言而得聖人所以者作之意矣昔夫子之 缺誤然則聖人之意蓋可見矣蓋詩之見録者必 刺之地殆幾不可訓矣而何以錄之蓋當深味 卷一百七十八 碩

傳所紀皆與作詩者同時非後人之臆說也若序 者必其序說之無傳古意之難考而不欲臆說者 其序說之明白而古意之可考者也其軼而不録 說之意不出於當時作詩者之口則偽獨諸章初 鸱弱之序見於尚書碩人載馳清人之序見於左 毛衛諸公而傳其古意則自有此詩而已有之矣 具如子所言則已出於夫子之前乎曰其說雖自 也或曰今三百五篇之序世以為衛宏毛公所作

REDIE LILE

文水通考

芜

妄為之說曰作詩之人可考其意可尋則夫子錄 高克之迹後人讀之當不能晚其爲何語矣蓋當 者雖比與深遠詞旨迂晦者亦所不廢如米首鶴 不言成王疑周公之意清人終篇亦不見鄭伯惡 鳴熊設之類是也於其所不可知者雖直陳其事 則夫子刑之殆多聞闕疑之意也是以於其可知 之殆述而不作之意也其人不可考其意不可尋 文義明白者亦不果録如翹翹車乗招我以弓豈 卷一百七十八 **飲定四車全書** 歐陽公詩譜補亡後序曰後之學者因迹前世之 則其所可知者何則三百五篇之序意是也其所 不可知者何則諸逸詩之不以序行於世者是也 挺我心局局禮義不愆何恤於人言之類是也然 雖詞意莊重一出於義理者亦不果録如周道挺 野有蔓草出其東門之類是也於其所不可知者 流洪不能不類於狹邪者亦所不刑如桑中漆洧 不欲往畏我友朋之類是也於其可知者雖詞意 文獻通考

為後人應度之說則比與諷詠之詞其所為微 無當耳失使序詩之意果不出於作詩之初 於辭語工拙之間則祇見其齟齬而不合疎緣 自其必以為出於衛宏毛公華之口而先以不經 所 之臆說視之於是以特立之已見與之較短量長 之說而欲特立一家之論果有能哉此說得之盖 之經侵侵然於去聖千百年之後不見先儒中間 傳而較其得失或有之矣若使徒抱焚餘殘脱 老一百 而皆

次定四車全書 序所以釋經非作文也祖其意足矣解不必乱也 之言也或出於國史之采錄或出於講師之傳授 固有之擇善而從之可矣至如其解語之鄙淺則 恐非聖經誨人之意也或曰諸小序之說固有好 如渭陽之首尾異説絲衣之两義並存則其好馳 馳鄙淺而不可解者盡信之可乎愚曰序非一人 切婦之瘦詞使後人各出其智以爲猜料之工拙 幽深者殆類東方朔聲整虎萬之隱語察邕黃絹 文獻通考

一献通考卷一百七十 序以言詩此愚所以未敢深以為然故復摭述 三百五篇之有序者並行而後之君子乃欲盡廢 作多開關疑之言以明孔子刑詩之意且見古 以夫子之聖猶不肯雜取諸逸詩之可傳者與 不可廢也 卷一至七十 而

欽定四庫

文獻通考卷一百六九

編修臣程嘉謨覆勘 詳校官內閣學士臣瑞 係

覆校官中書臣孫希旦

校對官主事臣龔敬身 膽録監生臣賀 謄録舉人臣 真東震

瑛

唐志二十五家三十一部三百三十二卷失姓名三家情志二十九部四百四十二卷部六百八十三卷 次定四事心与 漢志六家四百 經詩 別等の 新げて 文獻通考 貴 與 著

三十二卷不着録三家 韓嬰詩外傳共十卷 宋中與志五十三家六十四部八百七十一卷 宋四朝志二十一部三百二十八卷 宋两朝志一部一卷 宋三朝志十三部一百四十一卷 本傳嬰孝文時為博士景帝時任至常山太傅推詩 之意而作內外傳數萬言其語頗與齊魯間殊然歸 ーモ七十九 欠己日臣之子司 主簿李用章序之命工刊刻於杭其末又題云蒙 容齊洪氏隨筆曰藝文志有韓家詩經韓故內傳 外傳輸說五書令惟存外傳十卷慶歷中将作監 解經之深者然文辭清婉有先秦風 龍氏曰漢志十篇內傳四外傳六隋止存外傳析 郁夷之類其義與毛詩不同此書稱外傳雖非其 十篇其及經蓋家而遺說往往見於他書如逐迤 文獻通考

毛詩故訓傳二十卷 載孔子南遊適楚見處子佩填而院乃令子貢以 龜氏曰毛公詩世謂其解經最密其序 雜說不專解詩不知果當時本書否也 陳氏曰今所存惟外傳而卷多於舊當六卷蓋多 矣他亦無足言 微詞三挑之以是説詩漢廣游女之章其謬戾甚 文相公改章三千餘字予家有其書首卷第二章 卷一百七十九 蕭統以為

改定四事全書 稱毛養傳詩而孔氏正義据鄭譜云魯人大毛公 陳氏曰毛公者有大毛公小毛公按後漢儒林傅 其非出一人手明甚不知介前何以言之殆臆論 詩序荣首曰傷夫也漢廣曰悅人也序若詩人所 歟 自製毛詩猶韓詩也不應不同若是况文意繁雜 儒林傳及隋志所言王介甫獨謂詩人所自製韓 上子夏所作韓愈當以三事疑其非盖本於東漢 大殿通考

事故稱為愛又按後漢傳注引張華博物志鄭注 字林云箋表也識也鄭遵毛學表明毛言記識其 箋者按正義云鄭於諸經皆謂之註獨此言箋者 毛詩曰箋不解此意或云毛公曾為北海相鄭是 為博士則未知美者大毛公數小毛公數鄭氏曰 皆謂之箋則其為敬明矣其間與毛異義者甚多 郡人故以為敬雖未必由此然漢魏間達上之辭 為計訓傳於其家河間獻王得而獻之以小毛公 火定四事之言 > 毛詩草木鳥獸蟲魚疏二卷 書但附詩釋義窘於采獲似非通儒所為者将後世 為機非也機自為晉人本不治詩今應以幾為正然 崇文總目具太子中庶子烏程令陸機撰世或以幾 失傳不得其真軟 陳氏曰館閣書目稱幾字元恪吳郡人據陸氏釋 文非晉之士衙而其書引郭璞注爾雅則當在 王肅蓋當述毛非鄭云 文獻通考

毛詩正義四十卷 學之家此最為詳 儒利定國朝端拱初國子司業孔維等奉記定正詩 崇文總目唐國子祭酒孔類達撰太尉長孫無忌諸 其所簡云自晉室東遷學有南北之異南學簡約 **電氏曰顏達據劉炫劉焯疏為本刑其所煩而增** 得其英華北學深博窮其枝葉至顏達始者義疏 之後亦未必具時人也孔疏呂記多引之 欠記日南江村 詩譜一卷 成進之而不知注者為太叔求也 兩朝國史志歐陽修於絳州得注本卷首殘闕因補 也 歐陽公自序曰毛鄭於詩其學亦已博矣予當依 亦已詳矣自兹以後大而郊社宗廟細而冠婚丧 混南北之異雖未必盡得聖人之意而刑名度數 祭其儀法莫不本此元豐以來廢而不行甚無謂 文獻通考 <u>L</u>

金いしたん 靈公千五六百歲之間旁及列國君臣世次國地 然則孰能無失於其間哉予疑毛鄭之失既多然 惡方言訓故一作盛衰治亂美刺之方無所不載 蓋詩述商周自生民玄鳥上陳稷契下远上作陳 其箋傳考之於經而證以序譜惜其不合者頗多 不得盡見二家之書未能偏通其古夫不盡見其 不敢輕易者意其為說不止於箋傳而恨已一 山川封域圖牒鳥獸草木魚蟲之名與其風俗善


正變之風十有四國而其次第莫詳其義惟封國 悉皆顛倒錯亂不可復考凡詩雅頌兼列商魯其 傳鄭氏詩譜最詳求之久矣不可得雖崇文總目 偶得馬其文有注而不見名氏然首尾殘闕自周 書而欲折其是非猶不盡人之辭辨作而欲斷其 公致太平已上皆亡之其國譜旁行尤易為說好 秘書所藏亦無之慶歷四年奉使河東至於絳州 訟之曲直其能果於自决乎其能使之必服乎世

たとりらんにう !

文獻通考

金万旦乃 也 詩譜次第也點槍後陳此今詩次第也初予未見 鄭譜當略考春秋史記本紀世家年表而合於手 唐陳曹此孔子未刑詩之前周大師樂歌之次第 變風之先後也周南召南北都衛王鄭齊幽秦魏 秦此封國之先後也幽齊衛槍陳唐泰鄭魏曹此 變風之先後不可以不知周召王極同出於周 都并於衛槍魏無世家其可考者陳齊衛晋曹鄭 周召邶獻衛王檜鄭齊魏唐秦陳曹幽此鄭氏 ノンニー 卷一百七十九 邶

欠己日色 こう 而鄭氏之譜復完一有 然矣而仍存其圖庶幾以見子於鄭氏之學盡心 馬耳夫盡其說而有所不通然後得以論正子豈 見二家所說世次先後甚俗因據而求其得失較 鄭之說為詩圖十四篇取以補鄭譜之亡者足以 好為異論者哉凡補其譜十有五補其文字二百 舊注云 增損塗乙改正者三一 取孔顏達正義所載之文補足因為之註自本注云譜序自周公致太平以上皆亡其文 文獻通考 t



詩折衷二十卷 毛詩解題 石經毛詩二十卷 欠足四年人二 蓋近儒為之者數 崇文總目不著撰人名氏篇端總飲詩義次述章旨 **電氏曰偽蜀張紹文書與禮記同時刻石** 陳氏曰皇祐中莆田劉宇撰凡毛鄭異義折衷從 蓋做唐陳岳三傳折衷論之例凡一百六十 文獻通考

歐陽詩本義十六卷 金りしたといる **電氏曰歐公解詩毛鄭之說已善者因之不改至** 篇 為怪說蘇子瞻曰帝王之與其受命之符卓然見 以周易河圖洛書為妖妄令又以生民玄鳥之詩 之故所得比諸儒最多但平日不信符命當著書 於質諸先聖則悖理考於人情則不可行然後易 於詩書者多矣河圖洛書玄鳥生民之詩豈可謂 卷一百七十九

りてこりをしてする 集注文字出此等文字都不見有了也害事 末論又有論云何者為詩之本何者為詩之末詩 受命之符亦過矣 朱子語錄曰歐公詩本義煞說得有好處有詩本 縁此作亂使漢不失德莽述何自起而歸罪三代 亦矯枉過正學從而廢之以為王莽公孫述之流 誣也哉恨學者推之太詳流入讖綿而後之君子 之本不可不理會詩之末不理會也無妨近世自 文水通等

蘇子由詩解二十卷 新經詩義三十卷 金牙口屋台言 **電氏曰熙寧中置經義局撰三經義皆本王安石** 序三問而補亡鄭譜及詩圖總序附於卷末 陳氏曰其書先為論以辨毛鄭之失然後斷以已 說毛詩先命王雲訓其辭復命安石訓其義書成 見末二卷為一義解取舍義時世本末二論幽魯 以賜太學布之天下云 卷一百七十九

伊川詩説二卷 と三日日 日本 **電氏田伊川門人記其師之所談之經也** 者不得不存其首之一言也 與今毛詩序之意絕不同則知序非孔子之舊明 存其首一言餘皆删去按司馬遷曰周道缺而關 龍氏曰其説以毛詩序為衛宏作非孔氏之舊止 矣雖然若去序不觀則詩之辭有溟達而不可知 雖作揚雄曰周康之時頌聲作乎下關雖作乎 文獻通考

詩學名物解二十卷 陳氏詩解二十卷 毛詩辨疑一卷 金万口万七言 整於經無補也 陳氏曰蔡下元度撰下王介甫壻故多用字說其 **電氏曰陳少南撰凡二十卷** 目自釋天至釋雜凡十類大器如爾雅而瑣碎穿 **最氏日楊時中立撰一卷** 卷一百七十 れ

次定四車全野 廣川詩考四十卷 詩物性門類八卷 中與藝文志董道撰道謂班固言魯詩最近今徒於 猶存毛詩訓故為備以最後出故獨傳乃据毛氏以 問有自立處此不可易者韓詩雖亡關外傳及章句 他書時得之齊詩所存不全或疑後人託為然章句 作理雅豪也詳見埋雅 陳氏曰不著名氏多取說文今考之蓋陸農師所 文獻通考

是書而南其志公學博不可以人廢也 考正於三家且論詩序决非子夏所作建炎中追載 隋唐亦已亡久矣不知今所傳何所從來或疑後 陳氏曰道說無取三家不專毛鄭謂齊詩尚存可 所援引諸家文義與毛氏異者亦足以廣見聞續 世依託為之然則安得便以為齊詩尚存也然其 據按追藏書志有齊詩六卷今館閣無之迫自言

シスノマラ シニア 毛詩補音十卷 陸德明始定為釋文燕燕以南韻心沈重讀南作 為釐慶之為羌馬之為姓之類詩音舊有九家唐 激有吉躍切今之所作大器做此其援據精博 謬正俗以傅毅郊祀賦穰有而成切張衡東京 尼心切德明則謂古人韻緩不煩改字揚之水以 陳氏曰吳越撰其説以為詩韻無不叶者如來之 **韻樂徐邀讀沃鬱縛切德明亦所不載顏氏** 之钦通梦

金牙正屋全書 最為確論不必一一改字詳見韻補 南仲太祖太師皇父整我六師以脩我戎亦是叶 其然尋得當時不曾記今皆忘之矣如外禦其務 朱子語録曰具才老補韻甚詳然亦有推不去者 有韻補一書不專為詩作也要之古人韻緩之說 叶然也無戎才老無尋處却云務字古人讀做蒙 而有證朱晦翁注楚辭亦用越例皆叶其韻越又 知戎汝也汝戎二字古人通用是叶音汝也如 卷一百七十九

夾深詩傳辯妄共二十六卷 姑存此耳然猶有未盡 押從在字乃知是叶韻嚴讀作品也天問才老豈 氏叶韻何據曰他皆有據泉州有其書每一字引 不讀往往無甚意義只恁地打過去也 或問吳 云避漢請却無道理其後讀楚天問見一嚴字乃 音汝也下民有嚴叶不敢追追才老欲音嚴為莊 十餘證少者亦兩三證他說元初更多後來删去

一 好 近 正 庫 全 書 陳氏曰辯妄者專指毛鄭之妄謂小序非子夏所 作可也盡削去之而以已意為之序可乎樵之學 擬議盖事無兩造之辭則獄有偏聽之感今作詩 致今學者只馬毛氏且以序為子夏所作更不敢 隋唐之世猶有韓詩可據迨五代之後韓詩亦亡 自序毛詩自鄭氏既箋之後而學者寫信康成故 辯妄六卷可以見其得失 此詩專行三家遂廢齊詩亡於魏魯詩亡於西晉 卷一百七十九 書已亡於他書中問見一二而真偽未可知譬如 作者也 身到官供指詳明具有本末者也齊魯韓三家本 驗之人也毛詩本書具在流傳甚久譬如其人親 然愚以為譬之聽訟詩者其事也齊魯韓毛則證 辭則獄有偏聽之感者大意謂毛序不可偏信也 按夾深專該詩序晦養從其說所謂事無兩造之 雖自成一家而其師心自是殆孔子所謂不知而

尺已可見白馬

文獻通考

李樗毛詩詳解三十六卷 金万七屋台里 聽以為其說如此者也今捨毛詩而求證於齊魯 其人元不到官又已身亡無可追對得之風聞道 韓猶聽訟者以親身到官所供之案贖為不可信 出也 陳氏曰博取諸家之説訓釋名物文意末用己意 為論以斷之樗閩之名儒於林少類為外兄林李 乃探之於傍人傳說而欲以斷其事也豈不誤哉 卷一百七十九

晦庵詩集傳詩序辨說共二十一卷 詩風雅頌四卷序一卷 飲定四車全書 陳氏曰以大小序自為一編而辨其是非其序品 康胡泳伯量校之建安本更定幾什一云 安或不免有所更定今江西所刻晚年本得於南 陳氏曰晦庵所録以為序出後不當引冠篇首故 氏讀詩記自謂少年淺陋之說久而知其有所未 别録為一卷 文獻通考 士五

岷隱續讀詩記三卷 吕氏讀詩記三十二卷 剪截貫穿如出一手已意有所發明則别出之詩 學之詳正未有逾於此書者也然自公劉以後編 陳氏曰博采諸家存其名氏先列訓詁後陳文義 陳氏曰戴溪撰其書出於吕氏之後謂吕氏於字 察已備而條例未竟學者惜之 訓章已悉而篇意未貫故以續記為名其實自述

黄度文叔詩序三十卷 てこりるという 集傳之善者亦數家大抵欲以拾羣義酌其中平 復明公其有志於是數按易有程春秋有胡而詩 古文旁錄衆善博厚慘怛而無迂重之累緝緒悠 水心葉氏序曰公於詩尊钦倫紀致忠達敬篤信 以存世教矣未知性情何如耳令公之書既将並 久而有新美之益然則性情不敬而詩之教可以 已意亦多不用小序 文獻通考

金定正屋八十 項安世毛詩前說一卷 陳鵬飛詩解二十卷 幾得之 陳氏曰考定風雅篇次而為之説其曰前說者末 行讀者誠思其教存其性教明性明而詩復則庶 廢 陳氏曰不解殷魯二頌以為商頌當闕而魯頌可 年之論有少不同故也 卷一百七十

白石詩傅二十卷 王景文詩總聞三卷 ての可見という 讀聞字謂字畫聞物謂鳥獸草木聞用謂凡器物 聞音謂音韻聞訓謂字義聞章謂分段聞句謂句 有聞風聞雅開頌等其說多出新意不循舊傳 凡事實開人謂凡人姓號共十聞每篇為總聞又 聞跡謂凡在處山川土壤州縣鄉落之類聞事謂 陳氏曰自序云研精軍思於此幾三十年其書有 文獻通考 丰

詩古音辨二卷 詩考五卷 金万旦屋人 以為號 陳氏曰從政郎信安鄭犀撰 陳氏曰宗正少卿樂清錢文子撰所居白石岩因 集注今唯毛傳鄭箋孤行韓僅存外傳而魯齊詩 達撰齊魯韓與毛氏異同梁崔靈恩采三家本為 浚儀王應麟撰自序漢言詩者四家 師異指殊賈

欠足四華 产青 從韓詩禹敷下土方又證諸楚辭一洗末師專己 過 取左氏傳抑戒自警昊天有成命道成王之德則 取國語防降庭止則取漢書注實之初筵飲酒悔 辞則取儀禮上天甚神則取戰國策何以恤我則 則 者獨朱公集傳閱意眇指卓然千載之上言關雖 亡久矣諸儒説詩壹以毛鄭為宗未有参考三家)則取韓詩序不可休思是用不就彼岨矣岐皆 取匡衛柏舟婦人之詩則取劉向笙詩有聲無

文獻通考

文獻通考卷一百七十九 傳記所述三家緒言尚多有之罔羅遺軼傅以説 文爾雅諸書萃為一編以扶微學廣異義亦文公 語門人文選注多韓詩章句當欲寫出應麟竊觀 守殘之恆學者諷詠涵濡而自得之雖如也文公 之意云爾讀集傳者或有考於斯

次户可事全書 大歌通方 上官名也師古日禮經三日問禮三百六十官也三百舉成數也臣墳日禮経四周禮三百人前 開每事為制也故曰禮經三百成儀三十昭為之制師古日委曲防故曰禮經三百成儀三十昭 欽定四庫全書 漢藝文志曰帝王質文世有損益至周曲為之防事 經籍考七 入獻通考卷一百八十 經禮 都 陽 馬 端 臨 貴

之就所古日衛與愈同愈勝也 劉氏曰孔氏學七 大夫之制雖不能備猶濟倉等推士禮而致於天子 出於魯淹中無林口及孔氏學七十篇文相似多三 戴德戴聖慶普皆其弟子三家立於學官禮古経者 十九篇及明堂陰陽王史氏記所見多天子諸侯卿 漢與魯高堂生傳士禮十七篇記孝宣時后為最明 惡其害已皆滅去其籍自孟子時而不具至秦大壞 問冠婚告山益儀禮是 及周之哀諸侯将聞法度百章就是也威儀三千乃及問之哀諸侯将聞法度

於淹中而河間獻王好古爱學收集餘燼得而獻之 隋経籍志曰漢初有髙堂生傳十七篇又有古経出 百五十五篇及明堂陰陽之記並無敢傳之者唯古 合五十六篇並威儀之事而又得司馬穰宜兵法一 七五十六篇除十 德及德從兄子聖沛人慶普於是有大戴小戴慶氏 至宣帝時后着最明其業乃為曲臺記着授梁人戴 经十七篇與高堂生所傳不殊而字多異自高堂生 七正多三十九也

欠このることう

文獻通考

金ケロんと言 氏得周官問官益周公所制官政之法上於河間獻 子夏先傳之諸儒多為注解今又別行而漢時有李 经校之取其於義長者作注為鄭氏學其丧服一篇 雖存並微相傳不絕漢末鄭玄傳小戴之學後以古 三家並立後漢唯會元傳慶氏以授其子褒然三家 以補其處合成六篇奏之至王莽時劉歆始置博士 王獨關冬官一篇獻王購以千金不得遂取考工記 以行於世河南縣氏杜子春受業於歌因以教授是

之日可感 上日 獻王又得仲尼弟子及後學者所記一百三十一篇 後馬融作周官傅以授鄭玄玄作周官注漢初河間 為四十六篇謂之小戴記漢末馬融遂傳小戴之學 之為八十五篇謂之大戴記而戴聖又刑大戴之書 孔子三朝記七篇王氏史氏記二十一篇樂記二十 獻之時亦無傳之者至劉向考校経籍檢得一百三 十篇向因第而叙之而又得明堂陰陽記三十三篇 三篇凡五種合二百十四篇戴德刑其煩重合而記 文獻通考

漢志凡禮十三家五百五十五篇 金岁正尼金言 七篇小戴記四十九篇凡三種唯鄭注立於國學其 篇而鄭玄受業於融又為之注今周官六篇古经十 餘並多散亡又無師說 融又足月令一篇明堂位一篇樂記一篇合四十九 羣祀二十二篇封禪議對十九篇漢封禪 羣祀 而已藝文志所述皆三書也然其末則以古封禪 按三代之禮其流傳於漢世周官儀禮戴記三書

八十六卷 宋三朝志四十部一十五十六卷入儀注門 とこうらいたう 隋志一百三十六部一千六百二十二家百一十一 唐志六十九家九十六部一千八百二十七卷七家 元 家一百九十五卷八沖以下不著録十 門凡削四家一百一十五篇云 禪秦漢之事難則其書於禮経之後今析入儀注 十六篇議奏三十八篇繼之而皆以為禮家按封 文獻通考

儀禮注十七卷 宋中與志六十四家九十一部一十二百六十五卷 宋四朝志二十五部三百六十七卷版注門 宋两朝志三部五十二卷版注門入 金定正是台言 文王周公之法制具在於是孔子曰吾從周謂其 益寡沿襲不同復之無由考於今誠無所用云然 文章之盛也古書之存者布矣百氏雜家尚有可 韓文公讀儀禮余當告儀禮難讀且又行於今者

欠こうう ことう 於為學者可觀馬惜吾不及其時揖讓進退於其 禮為末聖人履之為本則重者在前故宗伯序五 電氏口儀禮十七篇鄭氏注西漢諸儒得古文禮 禮以吉山賓軍嘉為次為末則軽者在前故儀禮 傳一卷子夏所為其說曰周禮為本聖人體之儀 凡五十六篇高堂生傳士禮十七篇為儀禮喪服 間嗚呼盛哉 取况聖人之制度那於是擬其大要奇辭奧旨者 文獻通考

金八正位之言 義以至熊射之禮莫不皆然只是儀禮有士相見 備如他書 禮禮記却無士相見義後来劉原甫補成一篇學 以互相發明久之自通賞也 禮書如儀禮尚完 多是重複倫類若通則其先後彼此展轉參照足 朱子語録知看儀禮有緒甚善此書雖難讀然却 先冠婚後丧祭 有冠禮禮記便有冠義儀禮有昏禮禮記便有昏 儀禮是經禮記是解儀禮且如儀禮

只管巧至於情文極細密極周級處聖人見此意 禮記下言語只是解他儀禮 見之今注疏中有引援處不知是甚時失了可惜 候之禮是班固作漢書時其書尚在鄭康成亦及 得古禮五十六篇乃孔壁所藏之書其中却有天 思好故録成書 作一書如此初問只是以義起漸漸相襲行得好 子諸侯禮所以班固言愈於推士禮以致天子諸 今儀禮多是士禮如河間獻王 と、我自分 儀禮不是古人預

金定匹库全書 禮樂制度必有可觀陳振叔亦儘得見其就儀禮 儒謂理経不亡於秦大而壞於漢儒其說亦好温 漢時儒者專門名家自一経之外都不暇講故先 公論景帝太子既已當時若立獻王為嗣則漢之 夫三士二之類是說大経處這是禮項自有箇大 **謂威儀三千是也禮書如云天子七廟諸侯五大** 云此乃儀更須有禮書儀禮只載行禮之威儀所

儀禮疏五十卷 7/1 / 1/1/1 朱子語録曰儀禮疏說得不甚分明 最氏曰唐贾公彦概齊黃慶隋李孟恋各有疏義 公彦刑二疏為此書國朝當認那馬是正之 學究專科如儀禮経注學者童而習之不待局局 正経注語皆標起止而疏文列其下益古有明经 之書一日從敗箧中得景德中官本儀禮疏四帙 先公儀禮注疏序曰余生五十八年未當讀儀禮 丈夫直考

金牙匹厚全書 然登載本文而已熟其誦數矣王介南新经既出 其門人高弟哉氏楊氏諸家續補之編分章析條 監本儀禮経注可取而附益之以便觀覧意於然 **茫昧幽冥将尋訪本書傳抄庶幾創通大義然余** 士不讀書如余之於儀禮者皆是也然不敢付之 題要其上遂為完書附而數日兹所謂儀禮者鄉 命之整緝釐為九快手自點校并取朱氏禮書與 老矣懼其費日力而卒無所補也長見跋曰家有 卷一百八十

No. 10 int like 惟欲人之善其生且欲人之善其死不惟致嚴於 经何制之備也子夏之傳何文之奇也康成之 注 大夫不同等而上之固有可得而推者矣周公之 禮而達之天子以為殘關不可考之書徐而觀之 冠昏朝時鄉射而尤嚴於丧祭後世徒以其推士 有精義妙道馬於纖悉曲折中有明辨等級馬不 韓昌黎之言豈欺我哉其為書也於奇辭異旨中 一士也天子之士與諸侯之士不同上大夫與下 文融通考

金贞四匹全書 古禮十七卷 釋文一卷 異同以古監本巾箱本杭細本嚴本校定識其誤 建仲躬刻之首有目録一卷載大小戴劉向篇第 陳氏曰永嘉張淳忠甫所校乾道中太守章貢曾 子諸侯卿大夫禮決非高堂所傳其篇數偶同自 而為之序謂高堂生所傳士禮爾今此書無有天 陸德明賈公彦皆云然不知何所據也 公彦之疏何學之博也小子識之 釋誤三卷

スこういう んこよう 特略舉首篇以名之其曰推而致於天子者益專 可推那 指冠昏喪祭而言若熊射朝聘則士豈有是禮 而 朱子語録曰儀禮人所罕讀難得善本而鄭注賈 半疑今儀禮非高堂生之書但篇數偶同耳此則 士禮而今儀禮乃有天子諸侯大夫之禮居其大 不深考於劉說所訂之誤又不察其所謂士禮者 朱子曰張淳云如劉歆所言則高堂生所得獨為 文献通考

古禮経傳通解二十三卷 金ダロたとうこ 後學者見十七篇中有儀有禮遂合而名之 此本較他本為最勝又謂漢初未有儀禮之名疑 禮甚子細然却於目録中冠禮玄端處便錯了但 誤號為精密然亦不能無好謬 近世永嘉張淳忠甫校定印本又為一書以識 疏之外先儒舊說多不復見陸氏釋文亦甚疏略 陳氏曰朱熹擬以古十七篇為主而取大小戴及 卷一百八十 集傳集注十四卷 張忠甫所校儀 其

ころういここに 中與藝文志意書為家禮三卷鄉禮三卷學禮十一 者凡二十三卷熹晚歲所親定惟書数一篇缺而未 卷邦國禮四卷王朝禮十四卷其曰儀禮经傳通解 補其口儀禮集傳集注者即此書舊名凡十四卷為 香云 關書数一篇其十四卷草定未刑改曰集傳集注 他書傳所載繁於禮者附入之二十三卷已成書 云者益此書初名也其子在刻之南康一切仍其 文献通考

金炭匹厚全書 王朝禮而卜筮篇亦關熹所草定未及刪改 朱子語録曰儀禮禮之根本而禮記乃其枝葉 得二十餘篇若其餘曲禮少儀又自作一項 益於其問今欲定作一書先以儀禮篇目置於 記本秦漢上下諸儒解釋儀禮之書又有他書 類相從若疏中有說制度處亦當采取以益之 禮書異時必有兩本其據周禮分経傳不多取國 附禮記於其後如射禮則附以射義似此類 而

定此本盡去諸弊恨不得令韓文公見之也 前賢常愚儀禮難讀以今觀之以是経不分章記 使傳者疑而習者敬非吾書也 答應仁仲書曰 處晓此猶古易之彖象文言繁辟各自為書鄭康 先公日愚按記不隨経注疏各為一書讀者不能 不隨経而注疏各為一書故使讀者不能遽晚今 語雜書迁僻曼行之說者吾書也其點周禮使事 無統紀合経傳使書無間別多取國語雜記之書

えこうら とこう

文献通考

古禮経傳續通解二十九卷 金罗匹尼言言 成所以欲省學者兩讀而為今易也文公於禮書 續成之 知也 陳氏曰外府还長樂黃幹直即撰幹時庵之将號 之離者合之於易書之合者離之是亦學者所當 勉齊始時庵者禮書丧祭二禮未及論次以屬於 朱子語録賀孫因問祭禮附祭儀如說孝許多 如 卷一百八十

箇頭在及見其成與不見其成皆未可知萬一不 編出因云某已哀老其問合要理會文字皆起得 逐項作一總腦却以禮記附如疏中有說天子皆 問祭腥等事如所謂建設朝事燔燉雜鄉若附儀 禮此等皆無入頭處意問欲将周禮中天子祭禮 侯大夫禮無又只是有饋食若天子祭便合有初 子禮若儀禮所存唯少年饋食特性饋食禮是諸 何来得回便是祭禮難附無祭儀前所說多是天

文色日与二年十二

文獻通考

金をせん さきて 易行耳温公儀人所憚行者只為問解多長篇浩 **蘓醒以不一一如古人之繁但放古人大意簡而** 燭竊謂後世有大聖人者作與他整理一過令人 交相勸酬甚繁且久所以李氏之祭至於繼之 以 係甚大古禮於今實是難行當於之時獻神處少 及見此書之成諸公千萬勉力整理得成此書所 尸尸又酢主人酢主婦酢祝及佐食幸養聚實等 只說酌真卒祝迎尸以後都是人自食了主人獻

改之四軍全書 来儒生習誦知有禮記而不知有儀禮士大夫好 信齊楊氏序曰昔文公朱先生既修家鄉邦國 王 卷復伏讀曰大哉書乎泰漢而下未有也近世以 遺訓取向来喪禮葉本精專修改書成凡十有 五 中間行禮處分作五六段甚簡易晓後被人竊去 朝禮以丧祭二禮屬勉齊黃先生編之先生服膺 亡之矣 翰令人難讀其實行禮處無多某當修祭儀只就 文獻通考

為慨嘆今因小戴喪大記一篇合周禮禮記諸書 冥而莫知其原取具臨時沿襲都随不经特甚可 尤重儀禮既嗣其書後世以来處此大變者咸幽 白而易考後之言禮者有所据依不至於棄経 其篇目之僅存者為之分章的附傳記使條理明 古者知有唐開元以後之禮而不知有儀禮今因 任傳遺本而宗末王侯大夫之禮關於綱常者為 補其關而王侯大夫之禮莫不粲然可考於是 而

とくい コライ という 綱目尤為詳備先生當為復言祭禮用力甚久 司徹大戴禮則紫廟以上四卷未分所補者則 載之遺憾也先生所修祭禮本经則特性少年有 散潤欲撰儀禮喪服圖式一卷以提其要而附古 喪禮之本末経緯莫不悉備既而又念喪禮條目 都巡狩師田行後祈禳及祭服祭點事序始終其 今沿草於其後草具甫就而先生沒矣嗚呼此千 天神地祗百神宗廟以至因事而祭者如建國 遷 文數通考 盐 Ė

金万匹尼台港 世教之功至遠也而喪服圖式祭禮遺葉尚有未 世盡壞人心之邪說以示天下後世其正人心扶 推明文王周公之典辨正諸儒異同之論拾擊後 加意修定而未遂也嗚呼禮莫重於喪祭文公以 模己定每取其書結閱而推明之間一二條方欲 二書屬之先生其責任至不輕也先生於二書也 而成之是先生之所望也柳復又聞之先生曰始 訂定之遺恨後之君子有能繼先生之志者出 卷一百八

歌識其始末以告来者喪禮一十五卷前以繕寫 門之士以復預聞次輯之略不可以無言也復因 子亦先生平日之志云 拳之意先生欲任斯責而卒不果也豈不痛哉同 喪服圖式今別為一卷附於正卷帙之外以佚 所立丧祭禮規模甚善他日取吾所編家鄉邦國 余創二禮祖就奉而質之先師先師喜謂余曰君 王朝禮其悉用此規模更定之嗚呼是又文公奉

とこのうべいう

文獻通考

立

金罗正尼人 咨問抄識以待先生筆削不幸先生即世遂成千 本末有助暴輯也復受書而退放緘伏讀皆古今 衆自此朝被夕閱不敢釋卷時在勉齊左右隨事 同註疏抵牾上下數十百載問是非淆亂紛錯甚 以其書稿本授復日子其讀之益欲復通知此書 古之遗憾日邁月征今十餘年南康學官舊有家 天下大典禮其關係甚重其條目甚詳其経傳異 又日嘉定已外喪禮始克成編以次将修祭禮 卷一百八十

集釋古禮十七卷 陳氏曰廬陵李如圭寶之撰紹興癸丑進士當 為 不及時傳述竊不自揆遂据稿本參以所聞稍 加 任其責伏自惟念齒髮浸哀曩日幸有所聞不可 祭禮稿本未有取其書而修定之者顧復何人敢 更定以續成其書凡十四卷云 鄉邦國王朝禮及張侯處續刊喪禮又取祭禮稿 本併刊而存之以待後之學者故四方朋友皆有 釋宮一卷 綱目一卷

处巴日早日

文獻通考

去

周禮十二卷 金ダロルとう 禮者 書前道問有張淳始訂其訛為儀禮識誤尊熙中李 如去為集釋出入経傳又為綱目以別章司之指 中興藝文志儀禮既廢學者不復誦習或不知有是 釋官以論官室之制朱熹當與之校定禮書益習於 者一一釋之 福建撫幹釋宫者経所載堂室門庭令人所不晓 老一百八十 為

欠いすらいよう 最氏日鄭玄注漢武帝時河問獻王開獻書之路 考工記以補其關至孝成時劉散校理秘書始得 序列者於録略為羣儒排棄数獨以為周公致太 得周官有五篇失冬官一篇乃募以十金不得取 陳氏曰按藝丈志曰周官经六篇本注云王莽時劉 **客傳受康成皆引之以参釋異同云** 平之跡永平時杜子春初能通其讀鄭衆鄭與亦 **歌置博士顏師古曰即今之周禮也七其冬官以** 文献通考

金八口匠人三 遂稼穑之事始皆司空職耳周官初無邦事之名 職則己然矣今地官於教事殊略而田野井牧鄉 官司徒掌邦教敷五典擾兆民司空掌邦土居四 考工記足之愚當疑問禮六典與書周官不同周 記足之天下之事止於百工而己邪先儒固有疑 民時地利二官各有攸司益自唐虞九官禹契所 於是書者若林孝存以為武帝知周官末世瀆亂 今所謂事典者未知定為何事書關亡而以考工 巻一百八十 **えこうこここ** 灼然不同其他繁碎駁雜與夫劉歌王安石一再 惟鄭康成博覧以為周公致太平之迹故其學遂 國陰謀之書甚者或謂劉歆附益以佐王莽者也 用之而亂天下猶未論也玄之學出於扶風馬融 誣其為先秦古書似無可疑愚所疑者那土那事 行於世愚按此書多古文奇字名物度数可考不 不经之書作十論七難以排棄之何休亦以為六 而參取杜子春鄭大夫鄭司農之說子春河南 文就直考

氏人生漢末至永平初尚在年九十餘鄭泉賈達 底學周禮却自後一截事而今把来說看還有一 在裏許但未敢令學者看此非是不可學亦非是 朱子語録曰周禮一書好看廣大精密周家法度 仲師與之子也融字季長 皆受業馬大夫者河南鄭與少贛也司農者鄭泉 句干涉吾人身心上事否 周禮規模皆是周公 不當學只為學有先後先須理會自家身心合做 巻一百八十 スペラシ こここ 非聖人書其間細碎處雖可疑其大體直是非聖 人做不得 處或未及改或是周公晚年作此書某所疑者但 是宰相一一下筆有不是處周公須與改至小可 以吾觀之秦漢諸儒以意損益之者衆矣非周公 賴濱蘇氏曰言周公所以治周者莫詳於周禮然 恐周公立下此法却不曾行得盡後世皆以周禮 做但其言語是他人做如今時宰相提舉動令豈 た決利う

金好匹尼全書 周禮之不可信者一也書稱武王克商而反商政 實無所容之故其畿內遠近諸法類皆空言耳此 列爵惟五分土為三故孟子曰天子之制地方千 郊甸地稍地小都大都相距皆百里千里之方地 周禮王畿之大四方相距千里如畫棋局近郊遠 東西長南北短短長相補不過千里古今一也而 之完書也何以言之周之西都今之關中也其東 都今之洛陽也二都居止山之陽南山之陰其地 卷一百八十 皆益之如周官之法於是千乘之賦自一成十里 古說異鄭氏知其不可而為之說曰商爵三等武 言封建者益若是而周禮諸公之地方五百里諸 王增以子男其地猶因商之故周公斤大九州始 侯四百里諸伯三百里諸子二百里諸男百里與 不達於天子附於諸侯日附庸鄭子產亦云古之 里公侯百里伯七十里子男五十里不能五十里

とこういか とこい

而出車一乗十乗而千成非公侯之國無以受之

文款通考

金好匹尼人言言 折美故無是也語曰十乘之國攝乎大國之間十 道也不然百乗之家為方百里萬乗之國為方數 乗雖古之大國而於東周為小然孔子猶日安見 為也傳有之口方里而井十井為乗故十里之邑 而百乘百里之國而十乘千里之國而萬乘古之 封數大國而天下盡擾此書生之論而有國者不 吾竊沒之武王封之周公大之其勢必有所并必 有所徒一公之封而子男之國為之徒者十有六 卷一百八十

於一同而方百里其所以通水之利者溝血會三 而稅之十一舉無異也然而井田自一井而上至 此二者一夫而受田百畝五口而一夫為後百畝 而百乗則可謂一縣而百里則不可此周禮之不 夫也其家賦九縣長載九百其餘四十縣謂一 國之强家猶有不及五十者矣韓氏羊舌氏晉大 方六七十如五六十而非邦也者然則雖哀周列 可信者二也王畿之內公邑為井田鄉遂為溝洫 縣

てこうう ここ

に決直う

金人工匠生 因地以制廣俠多少之異井田溝溢益亦然耳非 信者三也三者既不可信則凡周禮之能異遠於 之原阜堤防之間狭不可井則町之為小順町哈 公色必為井田而鄉遂必為溝洫此周禮之不可 司馬町原防井行沃盎平川廣澤可以為井者井 少而用力博此亦有國者之所不為也楚為掩為 水之利者遂溝血會川五利害同而法制異為地 溝血之制至於萬夫方三十二里有半其所以通

COLORD ALL 儒之所以亂天下也 者有矣未有立法以强人者也立法以强人此迁 治統百官均四海者也今以劉歆所成周禮考之 五拳胡氏曰謹按孔子定書周官六卿家年掌邦 之妄也太宰之屬六十小宰也司會也司書也職 者也豈於五官之外更有治典哉則掌建六典歌 太宰掌建邦之六典夫太宰統五官之典以為治 人情者皆不足信也古之聖人因事立法以便人 文獻通考

金牙四月人三是 者者郡都鄙縣之治来其財用之出入凡失財用 之臣與其有聚斂之臣寧有盗臣今天官有宰夫 者以義為利不以利為利故百乘之家不畜聚斂 宰進退百官均一四海之治者也古之君國子 民 類皆期會簿書之末俗吏培克之所為而非賛家 內也職歲也職幣也是六官之所掌辭繁而事複 守恭偷不尚末作使民務本此足用長財之要也 物辟名者誅之其足用長財善物者賞之夫君相

災此楚昭宋景之所不為者也而謂周公立以為 於庫門之外所以别內外嚴貴賤也今官正乃比 訓開後王忌諱之端乎先王之制凡官府次舍列 忌諱不畏灾患今天官甸師乃曰丧事代王受昔 太平之典也古之王者守禮寡欲由義而行無所 財為事若劉歆之說是使百官有司不守三尺上 百官有司謹守其職豈敢踰越制度自以足用長 下交征利推到其民以危亡其國之道非周公致

狄定四車全害

嚴之以城郭溝池環之以鄉遂縣都藩之以侯甸 是嬪妃官吏聚庶雜處蔗陛不嚴而內外亂矣宫 宫中之官府次舎之衆寡又曰去其奇家之民則 立定四海之民今周公乃於宫中置諸吏又以其 男邦采衛守之以夷蠻戎狄周亚四垂中天下而 士庶子衛王宫何示人不廣而自削弱如此也王 王宫者也天子深居九重面朝後市謹之以門衛 伯掌王宫之士庶子鄭玄以為諸吏之適庶宿衛

刑人守門公家不畜刑人大夫不養士遇諸塗弗 夫人臣尚無境外之交曾謂后而可乎古者不使 貞潔為行若外通諸侯內交羣下則将安用君矣 哉內小臣掌王后之命后有好事於四方則使往 之禁說者以為二官奄者墨者也婦人無外事以 有好令於卿大夫則亦如之間人掌守王宫中門 廟而已矣今內宰凡建國左右立市豈后之職 也 后之職恭儉不如忌即夫人嬪婦以承天子奉宗

交巴日東 台雪

金な四万七言 於內凡天地宗廟山川百神祀有典常又安用此 掌官中禱祠穰衛之事夫祭祀之禮天子公卿諸 侧開亂亡之端乎寺人內豎賤人非所貴也內祝 欲其皆得俊义之人今及以隐宫刑餘近日月之 官中来如姬争妬與為散勝之事耳劉歆乃以為 么麽禱祠禳徻於宫中此殆漢世女巫執左道入 侯大夫士行之於外后如夫人嬪婦供祭服遵豆 與之言周公作立政戒成王以邱左右級衣虎責 卷一百八十

於嫡宴遊無度衣服無童助子無節法度之廢将 而無阿私之謂公由理而無邪曲之謂正修身以 家宰則王所以治內可謂至公而盡正矣夫順理 典婦之女功乃后夫人之職也王安石以為統於 嬪之婦法世婦之官具女御之功事女史之內 政 自此始雖在內庭為家宰者真當任其責也若九 天下自任故王者內嬖嬪婦敵於后外寵庶孽齊 太宰之屬置於王宫其誣周公也甚矣冢宰當以

たいりるこれに

文献通考

とうけてんと言 貳貢之餘財以共玩好之用不幾有如李唐之君 尚身不能齊家而以付之家宰為王也停理莫甚 賄之藏不幾有如漢桓靈置私庫者乎內府乃有 受裴延齡之欺固者乎王府乃有王之金玉良貨 非王者之財也不可以有公私之異今大府乃有 各有定制王者為天下主財奉禮義以養天下無 馬又可謂之公正乎隱安石真姦人哉四方貢職 齊家此王者治國平天下之定理所自盡心者也 卷一百八十

醫師之職固不可廢又有獸醫等五官皆醫事也 廢又有腊人鹽人等十有六官則皆掌飲食者也 等九官則皆掌衣服者也膳夫酒正之職固不可 宜夫人嬪婦之任也今既有司表又有縫人養人 惟幕次舍之事固不可廢而早隸之所作也亦置 有如李唐之君受四方羡餘之軽侮者乎王表服 四方金玉齒草良貨賄之獻而共王之好賜不幾 五官馬凡此既不應冗濫如是且皆執枝以事

文三日日中ALAS

台にしていたこう 屬何也漢與経五伯七雄聖道絕滅大亂之後陳 後於人者也而以為家宰進退百官均一四海之 藝之官以為屬必不然矣其末則又有夏采之官 徳相成王為太師乃廣置宮聞猥褻衣服飲食技 禮官臨大變一時行之可矣乃預置官以俟王崩 平為相尚不肯任廷尉內史之事周公承文武之 馬專掌王崩復土者也嗚呼安得是不祥之人哉 而行其職何不祥之甚也太宰之屬六十有二考 卷一百八十

官母足怪者有如閱閣下祝各設命官衣膳泉貨 亦復如此特官名不襲六典之舊耳固未見其為 俱有司屬自漢以来其規模之瑣碎经制之煩密 之經制至周而詳文物至周而備有一事必有一 特不過病其官冗事多琐碎而煩擾耳然愚常論 之経與易詩書春秋配子 按周禮一書先儒信者半疑者半其所以疑之者 之未有一官完善者則五卿之屬可知矣而可謂

久日可奉在·与

アニアレンん くこ 行之必至於厲民而陷亂王莽之王田市易介甫 行周禮而亦未見其異於周禮也獨與百姓交涉 之青苗均輸是也後之儒者見其效驗如此於是 之事則後世惟以簡易潤略為便而以周禮之法 之法也三代之時則非直周公之聖可行雖一凡 趾之意則不能行愚惧以為未然益周禮者三代 疑其為散养之偽書而不可行或以為無關雎麟 夫亦能行之三代而後則非直王莽之矯詐介甫 老一下ハナ

於其子孫家主之於其臧獲田土則少而授老而 禄色分土而治家傅世守民之服食日用悉仰給 收於是乎有鄉遂之官又從而視其田業之肥瘠 食指之聚寡而為之斟酌區畫碑之均平如上地 於公上而上之人所以治其民者不啻如祖父之 侯則自百里以至五十里而卿大夫又各有世食 三代之時家宇悉以封建天子所治不過千里公 之執懷不可行而雖賢哲亦不能行其故何也益

改定四事全書·

長四時仲月則有振旅治兵爰舎大閱之法以旗 終正歲四時孟月皆徵召其民考其德藝斜其過 致民行其禁令而加以誅賞所以教之者如此上 惡而加以勸懲司馬之任則軍有将師有即卒有 以至問胥比長自遂大夫縣正以至里宰鄰長歲 用所以養之者如此司徒之任則自鄉大夫州長 又從而補其不足助其不給或除或貸而俾之足 是也貨財則盈而飲之而散於是乎有泉府之官之類 飲定四車全書 守縣令為守令者率三歲而終更雖有襲黃之慈 然於其上而所以治其民者則該之百官有司都 守矣自封建變而為郡縣為人君者宰制六合穹 為一體既視為一體則姦弊無由生而良法可以世 相關脉絡常相屬雖其時所謂諸侯卿大夫者未 下益弊弊馬察察馬幾無寧日矣然其事雖似煩 擾而不見其為法之弊者益以私土子人痛痒常 必皆賢然既世守其地世撫其民則自不容不視 文獻通考

發政施令不過授成於吏手既授成於吏手而欲 善政方可紀幾再春而已及瓜矣其有痰便貧鄙 月方能請其土俗而施以政令往往春月之後其 病教養之恩恵未乎而追呼之奇燒已極矣是以 之人則視其官如逆旅傳舎視其民如飛鴻土梗 良王趙之明敏其始至也茫然如入異境積日累 以周官之法行之則事煩而政必擾政擾而民必 後之言善政者必曰事簡夫以周禮一書觀之成

甚之說遂為経國庇民之遠猷所以臨乎其民者 周之制未當簡也自土不分胙官不世守為吏者 當有以教之也首使之自毋失其教斯可矣益壤 未當有以養之也首使之自無失其養斯可矣未 法制率以簡易為便慎無擾獄市之說治道去太 不過年除歲遷多為便文自營之計於是國家之 所不及竟於是法立而姦生令下而訴起處以簡 土既廣則志慮有所不能周長吏數易則設施有

交任日年二十

シェノモス 精神心足以周知情偽其念慮必足以洞究得失 子產而死能其嗣之按鄭國土地編小其在後世 與人誦之日熟殺子產吾其與之三年而誦之日 田有封流應并有伍此俱周官之法也然一年而 靖猶或庶幾稍涉繁夥則不勝其瀆亂美音子產 决不至如後世永流宣化者之以的且從事也而 聽鄭國之政其所施為者曰都鄙有童上下有服 ノーニー 一郡耳夫以子産之賢智而當一郡守之任其

次定四年主生了 文献通考 蘇長公之言曰青苗雖云不許却配然其間願請 歲月然後首之諺識者轉而為謳歌耳况賢不及 苗該日此周官泉府之法也當時諸賢極力争之 子產所放不止一郡且生乎干載之後先王之制 周制在當時亦未至盡際但未能悉復先王之舊 耳然稍欲更張則亦未能遽當於人心必俟磨以 欲行之乎王介甫是也介甫所行變常平而為青 久廢而其遺書僅存乃不察時宜不恤人言而必

官交易此等鞭撻已急則繼之逃亡逃亡之餘則 縣多事矣是皆言官與民除貸之非便也益常平 錢雖富民不免違限受責如此則鞭笞必用而州 不能禁錢入民手雖良民不免非理費用及其納 者羅羅之法也青苗者除貸之法也羅羅之法以 均之鄰保蘇少公之言曰出納之際吏緣為姦法 之户必皆孤貧不濟之人家若自有贏餘何至與 錢與栗两相交易似未當有以利民而以官法行

帝三代之時未當有此而縣貸之法則周官泉府 子军請於平公出公果以貸使大夫皆貸司城民 饑子及以子展之命 飢國人栗户一種宋饒司 城 繁撥者乎謂周禮為不可信之書則左氏傳言鄭 明言之豈周公経制顧不為其簡易者而欲為其 撥然雞難之說始於魏文侯常平之法始於漢宣 息取之似實有以濟民而以官法行之則反為繁 之則及為簡便縣貸之法捐錢以予民而以時計

とこうらいそう

大歌通考

圭

两無所益固不若常平之交手相付聽從民便之 貸抑配子之而并令保住貧者代償所通則損民 為質者願貸貸與之而不能償則虧官富者不願 之為然然寧諸賢所言非病其取息之多也益以 家量貨而以公量收之則春秋之時官之於民固 貸而不書為大夫之無者貸宋無餘人齊陳氏以 有赊貸之事也雖當時未當取二分之息如青苗 為簡易两得也然左氏所述鄭宋齊之事謂之善

民情常親親則利病可以周知故法雖繁而亦足 則皆干進徇時之徒也然非鄭宋齊之大夫盡賢 所任者六七少年使者四十餘軍與夫州縣小吏 齊列國也其所任者军氏樂氏陳氏則皆有世食 政以為美族未審見其有熙豐之弊何也益鄭宋 以利民暫馬之承流宣化者與民情常碌碌則情 而介南之黨盡不肖也益累世之私土子人者與 禄邑與之分土而治者也介南所宰者天下也其

及とりちゃとかう

献通考卷一百八十 除貨一事觀之則知周禮所載凡法制之瑣碎煩 偽不能洞究故法雖簡而猶懼其病民也以青苗 審者可行之於封建之時而不可行之於那縣之 後必知時適變者而後可以語通経學古之說也 卷一百八十